

Mambo kuhusu Kulinda Usalama: Moduli ya 4

Kulinda usalama: Kutatua Malalamiko

Karibu kwenye moduli ya nne ya mfululizo wa sehemu tano ya Mambo kuhusu Kulinda Usalama. Moduli hii inatanguliza sehemu tatu za mazoea ya kulinda usalama kupitia masimulizi endelevu ya Family Health Frontiers (FHF) na mshirika mtekelezaji Sure Health Africa (SHA). Zote mbili ni mashirika ya kitaifa ya kijamii ya kubuni zinazoshughulikia masuala halisi ya kulinda usalama.

Mada

Utangulizi

Kukusanya na Kupanga Taarifa za Awali

Mchakato wa Uchunguzi

Mapitio ya ndani ya Kulinda Usalama na Mafunzo Yanayopatikana

Muhtasari

Utangulizi

Karibu kwenye Moduli ya 4

Katika moduli hii utaendelea na Family Health Frontiers (FHF) katika safari yao ya kulinda usalama.

Moduli itaangazia jinsi kulinda usalama inashughulikiwa katika:

- Kupokea ripoti ya tukio la kulinda usalama na kufanya utathmini wa awali;
- Kusaidia mchakato wa uchunguzi; na
- Kuandaa na kufanya ukaguzi wa ndani wa kulinda usalama ili kupata mafunzo na kuboresha mazoezi.

Muda wa mafunzo: Dakika 45-60

Matokeo ya Mafunzo

Moduli hii itakusaidia:

- Kufahamu ni taarifa gani inahitaji kujumuishwa katika ripoti ya tukio la kulinda usalama;
- Kutambua umuhimu wa kutathmini ikiwa uchunguzi unahitajika, kukusanya taarifa (inapohitajika) ili kufanya utathmini huo na kupanga mwitikio;
- Kuelewa hatua muhimu zinazohusika katika mchakato wa uchunguzi;
- Kujua umuhimu wa ukaguzi wa ndani wa kulinda usalama ili kupata mafunzo na kuboresha mazoezi kufuatia tukio muhimu.

Moduli hii ina sehemu 3:

Sehemu ya 1 - Uchunguzi na mipango ya awali

- Kuelewa habari muhimu inayohitajika katika kutengeneza ripoti rasmi ya kulinda usalama na kujifunza umuhimu wa 'kujua' kwa udhibiti wa matukio.
- Kuelewa faida za kufanya uchunguzi wa awali na kupanga uchunguzi katika kuitikia tukio.
- Kuelewa mambo ya kuzingatiwa wakati wa uchunguzi wa awali na wakati wa kupanga uchunguzi.

Sehemu ya 2 - Mchakato wa Uchunguzi

- Kuangalia jinsi Family Health Frontiers (FHF) huratibu uchunguzi wa kulinda usalama na kuelewa jinsi hatua muhimu za uchunguzi hutekelezwa.
- Kutazama jinsi kanuni za kulinda usalama, ikijumuisha usiri, zinatumika.

Sehemu ya 3 - Mapitio ya Ndani na Mafunzo Yanayopatikana

- Kuelewa thamani ya kufanya mapitio ya ndani ya kulinda usalama ili kutambua hatari na fursa zilizokosa, kupata mafunzo na kuboresha mazoezi ya kulinda usalama ya siku zijazo.

Muhimu katika Moduli ya 4.

Moduli hii **sio** mafunzo ya uchunguzi na **haitakuanda** kuwa mpelelezi.

Inaonyesha mchakato wa hatua tatu katika uchunguzi ili kukusaidia kuelewa hatua zinazohusika katika uchunguzi. Kwa kweli uchunguzi, mahojiano na kukusanya ushahidi, unapaswa kuwa wa kina zaidi kuliko inavyowasilishwa hapa kwa madhumuni ya hadithi.

Inaonyesha thamani ya kutumia wachunguzi wa nje na jinsi ya kuhusisha mashirika ya nje ya kisheria kwa usalama, kwa mfano polisi.

Kuchunguza dhuluma ni suala tata.

Uingiliaji kati unahitaji kupangwa kwa uangalifu sana.

Wakati wote unapaswa kushauriana na wasimamizi husika na washauri wa kitaalam waliodhinishwa pale inapobidi. Hii itasaidia kudumisha mtazamo unaomlenga mwathiriwa na kuhakikisha mazoezi salama.

Ili kukusaidia kupata mpelelezi, angalia Orodha ya Washauri wa Kulinda usalama

<https://safeguardingsupporthub.org/providers>

Tafadhalu kumbuka kuwa RSH hajifanya ukaguzi wa kumbukumbu za usuli/uhalifu kwa mashirika au watu binafsi walioangaziwa kwenye kituo hicho. Watumiaji wanaotaka kushirikisha mashirika haya au watu binafsi wanapaswa kufanya bidii yao wenyewe katika suala hili.

Ili kukusaidia kuendelea kushikamana na Moduli za 1 hadi 3, hapa kuna ukumbusho wa timu ya FHF:

Muktadha


Family Health Frontiers (FHF) ni shirika la kijamii la ukubwa wa wastani ambalo linajishughulisha na kutoa huduma za utunzi wa afya.

FHF iko katika nchi yenye matatizo makubwa ya kiusalama. Nchi hii ina umaskini mkubwa na upatikanaji duni wa elimu na huduma za kimsingi za afya katika maeneo mengi ya vijijini. Kuna mifumo dhaifu ya kisheria ya kuwalinda watu dhidi ya Unyonyaji, Dhuluma na Unyanyasaji wa Kingono (SEAH). Sheria zilizopo hazitekelezwi ipasavyo na zinaweza kutumika vibaya kwa urahisi.

Sure Health Africa (SHA) ni shirika ndogo la kijamii linalojishughulisha na kutoa huduma zautunzi wa afya kwa kina mama na watoto. SHA iko katika eneo la mbali, lisilojiweza kiuchumi na lenye mifumo dhaifu ya kisheria ya kulinda watu dhidi ya unyonyaji na dhuluma ya kingono. Wao ni washirika wa utekelezaji wa FHF kwenye Mpango wa Chanjo ya Watoto wachanga na wanafanya kazi kutoka kliniki mbalimbali za afya za jamii za vijijini.

Timu ya FHF


Ili kukusaidia kuendelea kushikamana na Moduli za 1 hadi 3, hapa kuna ukumbusho wa timu ya FHF:



Timu ya SHA

Ili kukusaidia kuendelea kushikamana na Moduli ya 3, hapa kuna ukumbusho wa timu ya SHA.

Sure Health Africa



Utangulizi wa wahusika wapya katika Moduli ya

4:



Miriam

"Jambo, mimi ni Miriam. Mimi ni mshauri wa kulinda usalama. Ninaishi na kufanya kazi katika nchi hii. Mimi ni mpelelezi aliyefunzwa na hivi majuzi nimekuwa nikifanya uchunguzi mwingu kuhusu kulinda usalama, hasa unaowahusisha watoto."

Cleo

"Jambo, mimi ni Cleo. Nina umri wa miaka 14. Ninaishi kijijini. Nilikuwa ninapenda sana kucheza densi lakini tangu yale yaliyotokea nimekuwa na huzuni na kushindwa kwenda shule. Ninaogopa wakati mwagine."

Kukusanya na Kupanga Taarifa za Awali

Sehemu ya 1 - Kukusanya na Kupanga Taarifa za Awali

Katika sehemu ya kwanza ya moduli, utafahamu mtazamo wa kulinda usalama unaofahamisha mkusanyiko wa habari za awali, hatua za haraka na kupanga uchunguzi. Utafahamishwa kuhusu habari muhimu inayohitajika ili kutengeneza ripoti rasmi. Pia utaelewa umuhimu wa 'haja ya kujua' katika udhibiti wa matukio.

Kakiye, ambaye ni Mkurugenzi Mtendaji wa Family Health Frontiers (FHF), anaitisha Mkutano wa Kupanga Matukio. Utajifunza zaidi kuhusu madai yaliyotolewa dhidi ya Mchungaji Charles na mambo ya kuzingatia wakati wa kuitikia na katika mchakato wa kufanya maamuzi.

Ni siku moja baada ya Precious, nesi kutoka Sure Health Africa (SHA), kumweleza Achol kuhusu tukio hilo.

Achol, Msimamizi wa Rasilimali Watu wa FHF na Kituo cha Kulinda Usalama kinahitaji kuripoti rasmi madai ambayo Precious alieleza. Precious alidai kuwa Mchungaji Charles alimnyonya mtoto kingono alipokuwa kwenye ziara yake ya hivi majuzi kwenye Mpango wa Chanjo ya Watoto Wachanga (IIP).



Achol anafikiria nini?

Achol ana wasiwasi mwangi. Anafahamu kuwa anahitaji kuandika madai hayo (kuandika ripoti) na anahisi kulemewa na jukumu hilo. Ana wasiwasi kuhusu Cleo na kuhakikisha usahihi wa habari.

Chunguza wingu la maneno hapa chini ili kuelewa vyema anachofikiria Achol.

Ripoti - nini kinapaswa kujumuishwa
Usalama **Ushahidi SHA**
Usalama wa Kazi
Mama Victor Hatua
Kanisa kulipiza kisasi
Abu Mtoto Kulipiza kisasi
Nini kitatokea baadaye
Hatari **Matokeo IIP**
Wasiwasi wa Jamii
Mchungaji Charles
Kuhakikisha mafanikio

À Kumbuka

Viongozi wa imani na kidini wana jukumu muhimu katika kuweka jamii salama.

Dhuluma na unyonyaji wa kingono unaweza, na hutokea, kutokea katika jamii zote, hufanywa na mtu yeyote, hata viongozi wa dini zote.

Hatari kubwa zaidi ni kukataa kwamba mtu yeyote, ikiwajumuisha viongozi wa kidini, wanaweza kumdhulumu au kumnyonya kingono mtoto au mtu mzima.

Ripoti ya Udhibiti wa Matukio

Achol atahitaji kujumuisha maelezo yaliyofafanuliwa kwenye orodha ya ukaguzi ya ripoti ya usimamizi wa matukio hapa chini katika ripoti yake iliyoadikwa kuhusu madai hayo.

Habari Muhimu		Mwongozo
✓	Aina ya tukio/madai	Kimwili, kingono, kihisia au kutelekezwa.
✓	Habari ya kibinafsi inayojulikana kuhusu mwathiriwa/mnusurika	Jina, tarehe ya kuzaliwa, jinsia na kadhalika.
✓	Maelezo ya mawasiliano kuhusu mzazi/mlezi (ikiwa inafaa/inajulikana)	Jina, anwani, nambari ya mawasiliano na ikiwa wanafahamu tukio hilo.
✓	Taarifa kuhusu mada ya malalamiko	Jina, jukumu au uhusiano na shirika, anwani, nambari ya mawasiliano n.k.
✓	Maelezo ya tukio	Maelezo kuhusu madai au tukio liloripotiwa ikijumuisha tarehe, majina, uchunguzi wa tabia, majeraha na ikiwa inajulikana maelezo ya mwathiriwa/mnusurika wa tukio hilo na maelezo yoyote ya mashahidi wa tukio hilo.
✓	Ushauri wowote uliotafutwa	Habari kuhusu ni nani mwingine amefahamishwa na ushauri uliotolewa.
✓	Ushiriki mwingine wa shirika	Ni mashirika gani mengine yanahuksika na mwathirika/mnusurika? Kwa mfano, rufaa kwa polisi, kituo cha afya au shule nk.
✓	Hatua iliyochukuliwa	Andika yale ambayo tayari umefanya, kwa mfano kumshauri mwathiriwa/mnusurika kupata matibabu n.k.
✓	Tangazo	Jina, shirika, jukumu, nambari ya mawasiliano, tarehe na sahihi ya mtu anayewasilisha ripoti.

Ili kutazama orodha tiki ya Ripoti ya Udhhibit wa Matukio, bonyeza kiungo cha PDF kilicho hapa chini.

Ripoti ya Udhhibit wa Matukio


Kidokezo cha Juu

Mambo ya Kujumuisha katika Ripoti ya Tukio:

Wakati wa kuandika ripoti ya tukio, ni muhimu kujumuisha habari nyingi iwezekanavyo. Kushiriki habari kunaweza kusaidia kujenga picha ya kile

kilichotokea na kufahamisha tathmini na maamuzi ya hatari. Rekodi zote zinapaswa kuwa za kweli na ziepuke hukumu na maoni.

Achol anatuma ripoti ya tukio Kakiye



Ripoti ya tukio ya Achol:

Habari Muhimu	Mwongozo
Aina ya tukio/madai	Unyonyaji wa kingono kwa mtoto
Habari ya kibinagsi inayojulikana kuhusu mwathiriwa/mnusurika	Cleo, mwanamke, umri wa miaka 14 (Tarehe ya kuzaliwa haijulikani)
Maelezo ya mawasiliano kuhusu mzazi/mlezi (ikiwa inafaa/inajulikana)	Mama anafahamu, aliibua wasiwasi kwa Precious
Taarifa kuhusu mada ya malalamiko	Mchungaji Charles Mfadhili binafsi wa Sure Health Africa (SHA)/ Mpango wa Chanjo ya Watoto Wachanga (IIP)

Maelezo ya tukio	<p>Madai kwamba Mchungaji Charles alimdhulumu kingono na kumnyonya mtoto mwenye umri wa miaka 14, Cleo, ambaye alikutana naye wakati wa hafla ya VIP ambayo FHF na SHA walishirikiana na kutembelea Mpango wa Chanjo ya Watoto wachanga (IIP). Mchungaji Charles alihudhuria hafla hiyo pamoja na mwandishi wa habari anayeitwa Naomi kutoka gazeti la eneo hilo. Safari hiyo ilihuisha kukaa usiku kucha.</p> <p>Kama sehemu ya hafla hiyo, mradi huo uliandaa chakula cha mchana cha mapokezi na wafanyakazi wa SHA. Kisha Mchungaji Charles na Naomi walipelekwa kwenye mradi wa jamii ili kuhudhuria kliniki. Walikutana na baadhi ya madaktari na wauguzi lakini pia walipata fursa ya kukutana na watoto na wanajamii.</p> <p>Mama ya mtoto huyo alihudhuria kliniki hiyo akiwa na mtoto wake wiki iliyopita na kumjulisha Precious ambaye ni muuguzi wa SHA kuwa Mchungaji Charles alimuuliza bintiye Cleo mwenye umri wa miaka 14 kufanya naye ngono ili ampe pesa. Alisema kwamba binti yake hakuhisi kuwa na uwezo wa kukataa. Mama huyo anasema dhuluma hiyo ilitokea usiku wa hafla ya jioni ya kijamii iliyoandalila na jamii. Katika hafla hii, baadhi ya vijana waliandaa maonyesho ya wimbo na densi. Mchungaji Charles na Naomi walihudhuria hafla hii na baadhi ya wafanyakazi wa SHA na FHF akiwemo Kakiye, Abu na Okello .</p> <p>Mchungaji Charles alitoa mchango muhimu kwa Mpango wa Chanjo ya Watoto Wachanga (IIP) kwa niaba ya kutaniko lake muda mfupi baada ya hafla hiyo.</p>
Ushauri wowote uliotafutwa	Ndiyo, Precious aliripoti hili kwa Mkuu wa Ofisi ya SHA, Abu, na Meneja wa Rasilimali Watu/Mratibu, Victor. Waliamua kutofanya lolote zaidi kwani hawakuwa na ushahidi wowote kuwa lilitokea
Ushiriki mwingine wa shirika	Isiyojulikana
Hatua iliyochukuliwa	Precious aliangalia usalama wa Cleo pamoja na mama yake, amethibitisha kuwa wote wako salama nyumbani kwao. Ofa ya usaidizi wa kimatibabu iliyotolewa kwa Cleo
Tangazo	Achol , meneja wa Rasilimali Watu/Mratibu, tarehe 17 Agosti 2021



**Kakiye, Mkurugenzi
Mtendaji wa FHF anaomba
kuzungumza na Achol
mara moja.**



"Mungu wangu. Hii ni habari mbaya. Siwezi kuamini kwamba Mchungaji Charles angeweza kufanya hivi. Mimi ni muumini wa kanisa lake na yeye ni mtu mzuri na anayeheshimika sana na jamii. Pia hivi karibuni alijiunga na Baraza letu la Wadhamini, ambayo ni sababu mojawapo iliyomfanya kualikwa kwenye hafla hiyo."

"Ninajua, hili linashangaza sana. Sikujua kuwa Mchungaji Charles alijiunga na Baraza letu la Wadhamini. Precious anadhani madai hayo ni ya kuaminika na amekuwa jasiri wa kutosha kuzungumza nasi moja kwa moja. Precious ameshatoa taarifa kwa Abu na Victor pale SHA lakini hawakutaka kuipeleka zaidi, jambo ambalo pia tutahitaji kushughulikia kama sehemu ya mwitikio wetu. Msaada wa kiafya kwa msichana huyo ultolewa kwa mama yake lakini tunapaswa kuangalia nini kilifanyika na hilo. Tunahitaji kuamua ni nini tutafanya. SHA haijibu ipasavyo, kwa hivyo tunahitaji kufanya hivyo. Na bila shaka, ikiwa Mchungaji Charles ndiye Mdhamsini wetu tuna wajibu. Ninafikiri, hata hivyo, kwamba hili ni suala la uhalifu na tunahitaji kuliripoti kwa polisi."





« "Bila shaka. Tuna wajibu wa kuchunguza madai haya mazito kwa kina. Hatuwezi kupuuza tu lakini ni lazima tufanye utathmini wa hatari kwanza kabla ya kuwasiliana na polisi. Nitahitaji kuitisha mukutano wa kupanga matukio haraka iwezekanavyo."

"Ndio, ninakubali. Je, ungependa kuwaalika nani kwenye mukutano? Kuhusiana na suala nyeti kama hili, tunahitaji kuwa waangalifu kuhusu kudumisha usiri kwa hivyo ninapendekeza tuwe na kikundi kidogo kwenye mukutano huu, tukihusisha tu wale 'wanaohitaji kujua'."



"Wazo zuri. Ndiyo, tukutane kesho asubuhi. Tafadhali mwalike Nyamer kwa sasa. Yeye ni wa muhimu kwani anafahamu programu na ninamwamini."

Kumbuka:

Madai yote ya dhuluma kwa watoto yanapaswa kuripotiwa kwa polisi. Wataamua ikiwa huu ni uhalifu unaowezekana.

Ni muhimu kwamba mashirika yafanye ramani ya muktadha ambayo inabainisha huduma zinazopatikana kwa manusura, sheria inayotumika na maelezo ya polisi na mamlaka mengine ya serikali yanayohusika. Habari hii ndiyo huwezesha mashirika kumuunga mkono mnusurika na kuripoti kwa mamlaka rasmi ambapo matukio yanaweza kuwa ya uhalifu.

Ripoti zote kwa polisi, na rufaa kwa huduma, zinapaswa kutathminiwa na kuongozwa kwa kufuata kanuni ya 'usidhuru'. Hii ni kuhakikisha kuwa usalama wa mwathiriwa/mnusurika na mlalamikiwa hauathiriwi. Hili ni muhimu hasa pale ambapo kuna utawala dhaifu na usimamizi mbaya wa sheria.

Kidokezo cha Juu: Kanuni ya 'Wanaohitaji Kujua' na Usiri.

Kushiriki habari ni muhimu katika kulinda usalama lakini hili lazima lisawazishwe pamoja na kuheshimu haki za watu binafsi za faragha. Katika kulinda usalama, usiri unamaanisha kushiriki habari kwa misingi ya 'wanaohitaji kujua'. Watu ambao 'wanahitaji kujua' wanapaswa kuwa muhimu katika kushughulikia kisa na michakato ya kufanya maamuzi. Kikundi hiki kinahitaji taarifa muhimu ili kuwaweka watu salama.

Taarifa zisishirikishwe nje ya kikundi hiki. Uvumi wa ofisi unapaswa kuepukwa kwa gharama yoyote.

Shughuli ya 1.1 Usiri

Bonyeza menuy kunjuzi ili kulinganisha kifungu cha maneno muhimu katika kila sentensi. Baada ya kukamilisha sentensi zote, angalia majibu.

Usiri unamaanisha...
Kushughulikia habari za siri vizuri pia hulinda...
Habari za siri zinajumuisha suala lolote nyeti au lile linaloweza
Usiri lazima utumike kwa: mwathiriwa/mnusurika, familia na jamii yake; mashahidi na

mshukiwa, familia yao na jamii
sifa ya shirika
hutumika kumtambulisha mtu
kuweka habari kwa faragha

[**Bonyeza hapa ili kutazama majibu**](#)

Kwa maelezo zaidi kuhusu usiri, angalia [picha ya takwimu ya RSH ya Nigeria kuhusu Idhini na Usiri](#)

Achol anapanga mkutano wa kupanga matukio kwa siku inayofuata ya kazi. Anawaalika Kakiye na Nyamer. Achol anajua si vyema kwamba washiriki wote wa mkutano wawe ni wanawake, lakini amezingatia kanuni ya 'wanaohitaji kujua' na anafikiri kuwa usiri una umuhimu zaidi kuliko jinsia katika hatua hii. Achol hana uhakika atajumuisha nini kwenye ajenda ya mkutano wa kupanga matukio ya kulinda usalama. Anajua kuwa madhumuni ya mkutano huo ni kushiriki habari, kuzingatia ukweli unaojulikana na kukubaliana kwa mpango wa hatua zinazofuata.

Shughuli ya 1.2 Agenda ya Mkutano wa Kupango Matukio

Msaidie Achol kuamua kile atajumuisha katika ajenda ya mkutano wa kupanga matukio na kuelewa ni kwa nini. Vipengele vya ajenda vinawasilishwa kutumia vitufe vya bluu. Madhumuni ya vipengele hivi vya ajenda vimewekwa katika visanduku ya kijani. Chagua kipengele cha ajenda kinachohusiana na madhumuni ya kipengele sahihi cha ajenda.

Kubali hatua zinazofuata	... kwa kushiriki na kutathmini habari inayojulikana. Hii itasaidia kuelewa ni nani aliye hatarini na ikiwa kosa la jinai limefanyika.
Fanya utathmini wa hatari	... ni muhimu ili kulinda usalama na ustawi wa wale wanaohusika. Hii itajumuisha maamuzi ya mapema kuhusu kusimamishwa kazi na usaidizi wa kimatibabu ikiwa utahitajika.
Ushughulikiaji wa vyombo vyahabari	... kwa mwathiriwa/mnusurika, mshukiwa na shirika ili kubainisha hatari zinazojulikana na kuweka hatua za kupunguza hatari katika hatua ya awali zaidi iwezekanavyo.
Utambulisho wa shahidi	... kusaidia kupanga mahojiano kwa ajili ya uchunguzi, ikiwa shirika litakuwa likifanya uchunguzi, na kuhakikisha kuwa mipango ya usaidizi imewekwa.
Kushiriki habari	... mambo ya kuzingatia ili kuhakikisha kwamba watu na mashirika 'yanayohitaji kujulishwa' yanafahamishwa. Hii inajumuisha kuripoti matukio makubwa kwa wafadhili na taasisi za udhibiti.
Fanya uamuzi wa hatua ya haraka	... kutathmini uwezekano wowote wa uvujaji kuhusu tukio na kuhakikisha maendeleo ya mistari tendaji ya vyombo vyahabari..
Fahamu asili na kiwango cha wasiwasi	...inayohitaji kuchukuliwa. Maamuzi yote yanapaswa kuratibiwa na watu waliokubaliwa kuwajibika na muda utakaotengewa kila ha.

Bonyeza hapa ili kutazama majibu

Mkutano wa Kupanga Matukio

Kakiye anaanza mkutano kwa kueleza madhumuni na ajenda ya mkutano. Anasisitiza kuwa kila kitu kitakachozungumziwa ndani ya mkutano huu kitasalia ndani ya kikundi hiki cha 'wanaohitaji kujua' isipokuwa kama itakubaliwa vinginevyo. Kakiye kisha anatoa maelezo ya madai ya kulinda usalama kama ilivyoelezwa katika ripoti iliyotolewa na Achol.



**Mkutano wa Kupanga ya Matukio
ya Kulinda usalama**

Waliohudhuria:

Kakiye - Mkurugenzi Mtendaji, FHF
Achol - Meneja Rasilimali Watu & Mratibu wa Kulinda usalama, FHF
Nyamer - Afisa wa Programu, FHF

Ajenda

1. Kufahamu asili na kiwango cha wasiwasi
2. Kuamua hatua ya haraka
3. Kufanya utathmini wa hatari
4. Utambulisho wa Shahidi
5. Kushiriki Habari
6. Ushughulikiaji wa Vyombo vy'a Habari
7. Jambo lingine lolote
8. Kukubaliana kuhusu hatua zinazofuata

Utathmini wa Hatari ya Kutodhuru

Wakati wa mkutano wa kupanga matukio, muda ulitumika kuchanganua hatari zinazoweza kutokea za hatua zinazofuata kwa Cleo, Precious, na Mpango wa Chanjo ya Watoto Wachanga (IIP). Hii ilijumuisha hatari zinazoweza kutokea za kuripoti, na kutoripoti, kwa polisi.

Kakiye anahakikisha kuwa majadiliano na utathmini wa hatari unatumia kanuni ya 'kutodhuru'. Anamkumbusha kila mtu kuwa FHF ina jukumu la kudhibiti tukio hili kwa kuwalinda watu dhidi ya madhara au madhara zaidi. Kakiye anaeleza

kuwa hilo linaweza kufanywa kwa kuchanganua muktadha na kufanya maamuzi ambayo hupunguza matokeo mabaya yasiyotarajiwa.

Kwa kila mdau mkuu, Kakiye anatafuta habari na majibu ya maswali yafuatayo: Nani, Wapi, Nini, Lini na Jinsi Gani?

1. **NANI** mwingine anajua kuhusu madai haya?
Mama yake Cleo na pengine rafiki mkubwa wa Cleo. Precious pia amemjulisha Mkuu wa Ofisi ya SHA, Abu, na Meneja wa Rasilimali Watu/Mratibu, Victor. Wawili hawa waliamua kutochunguza suala hilo.
2. Cleo yuko **WAPI** kwa sasa? Je, yuko salama? Je, anahitaji msaada wowote wa haraka?
Cleo anaishi katika nyumba ya familia yake na anahudhuria shule ya kijijini. Mama yake amethibitisha kuwa yuko salama na hahitaji usaidizi wa haraka.
3. Je, ni **NINI** Mchungaji Charles anajua, kama kuna lolote, katika hatua hii?
Hatuna habari yoyote ya kupendekeza kuwa Mchungaji Charles anafahamu lolote kwa wakati huu.
4. Ni **NINI** kinapaswa kuripotiwa kwa polisi, ikiwa kuna lolote, kwa wakati huu?
Je, tunajua kama ni salama kuripoti polisi? Je, tuna nambari za mawasiliano ya polisi?
5. Ni huduma **GANI** ya msaada inapatikana kwa Cleo? Je, amepata huduma gani za afya?
Msaada wa matibabu ilitolewa na Precious. Hajjulikani ikiwa imechukuliwa.
6. Je, ripoti iwasilishwe kwa polisi **LINI**?
Je, tunahitaji kupata taarifa zaidi kuhusu tukio hilo kabla ya kuripoti kwa polisi?
7. Je, ni **VIPI** jamii itaweza kumuitikia Cleo wakigundua kilichotokea? Je, kuna hatari yoyote ya jamii kulipiza kisasi?

Wasiwasi ulishirikiwa kuhusu mitazamo ya kitamaduni ya wanaume na iliyokita mizizi kuelekea wasichana na ngono nje ya ndoa na uwezekano wa kulipiza kisasi.

Jamii inaweza kuwa na hasira dhidi ya Mchungaji Charles, au kumuhurumia na kumkasirikia Cleo kwa kutoa madai dhidi ya kiongozi wa kidini anayeheshimika.

Kidokezo cha Juu:

Kulingana na hali ya tukio, kuna mbinu tofauti za kufanya utathmini wa hatari. Ni muhimu kukumbuka kuwa tathmini za hatari hubadilika na zinapaswa kusasishwa mara kwa mara. Kwa maelezo zaidi, angalia

[Muungano wa CHS kwa mwongozo na zana.](#)

Kumbuka:

Huenda usipate taarifa zote katika ripoti ya awali. Utathmini wa hatari unaweza kuonyesha habari zaidi. Uchunguzi ni mchakato unaobadilika.

Hatua Zinazofuata

Mkutano wa kupanga tukio unahitimishwa na hatua kadhaa zilizokubaliwa kwa Kakiye, Achol na Nyamer ili kuziendeleza katika juma lijalo. Jedwali lifuatalo linaonyesha baadhi ya mifano ya maamuzi yaliyofanywa:

Hatua Zilizoamuliwa	Mtu anayewajibika	Muda uliotengewa
Muulize Precious amuulize mama Cleo kama Cleo amepata usaidizi wa kimatibabu au anahitaji usaidizi mwingine wowote	Achol	Ndani ya masaa 24
Chunguza ikiwa kuna ushauri na usaidizi wa kisaikolojia unapatikana	Achol	Ndani ya siku 7 za kazi

katika eneo hilo na utoe usaidizi huu kwa Cleo		
Muulize Precious ikiwa anajali usalama wake na usalama wa kazi na utoe ulinzi dhidi ya kulipizwa kisasi	Achol	Ndani ya masaa 24
Kuripoti polisi kwani hili ni kosa la jinai	Achol	Ndani ya masaa 24
USIMjulishe Mchungaji Charles kuhusu madai katika hatua hii	Wote	-
Mjulishe Mwenyekiti wa Baraza la Wadhamini kwamba madai yametolewa dhidi ya Mchungaji Charles na kwamba suala hilo linaripotiwa kwa polisi.	Kakiye	Ndani ya masaa 24
Pata maelezo zaidi kuhusu mwanahabari (Naomi) ambaye aliangazia hafla hiyo na manufaa yoyote au hatari zinazoweza kuhusishwa na ye ye kuwa shahidi. Ratibu majibu ya vyombo vyya habari kuhusu suala hili	Kakiye	Ndani ya siku 3 za kazi
Angalia utathmini ya hatari ya kabla ya hafla na ni hatua gani za kulinda usalama zilizowekwa na SHA katika hafla hiyo ya watu mashuhuri	Nyamer	Ndani ya siku 3 za kazi
Ijulishe ofisi ya mkoa na wafadhili kuhusu tukio hilo	Kakiye	Ndani ya masaa 24

Conseil Kidokezo cha Juu: Kupiga ripoti kwa Watekelezaji Sheria wa Nje.

Mara tu kuna sababu ya kuamini kuwa sheria imevunjwa, shirika linapaswa kufikiria ikiwa litawaeleza polisi. Hatari yoyote inayoweza kutokea kwa wahusika, haswa mwathiriwa / mnusurika, inapaswa kuzingatiwa.

Katika baadhi ya nchi, kuna wajibu wa kisheria wa kuripoti makosa fulani. Ikiwa uamuzi wa kutoripoti kwa polisi ni kinyume cha sheria, unapaswa kukubaliwa na kutiwa sahihi na uongozi wa juu pamoja na mantiki ya

maandishi kwa nini tukio hilo haliripotiwi polisi. Ikiwa shirika hilo la kijamii lina rasilimali za kufanya hivyo, inapaswa kutafuta ushauri wa kisheria kutoka kwa chanzo kinachoaminika.

Achol anaripoti kwa polisi

Achol amepewa jukumu la kuripoti tukio hilo kwa polisi. Kwa sababu FHF haikuwa tayari imefanya ramani kamili ya muktadha, ili kuelewa ni nani atapewa ripoti ile na kama ilikuwa salama kufanya hivyo, Achol anawasiliana na Shirika lisilo la Kiserikali linaloshughulikia ulinzi wa mtoto. Shirika hilo linampa maelezo ya nambari ya mawasiliano ya polisi wanaoshughulikia visa vya ulinzi wa watoto.



Achol anawasiliana na polisi na kutoa ripoti na kuelezea ni nani aliyehusika katika tukio hilo linalodaiwa. Anawauliza polisi ni nini FHF inapaswa kufanya kuhusiana na Mchungaji Charles kubaki kama mmoja wa Wadhamini wa FHF.

Siku moja baadaye polisi wanawasiliana na Achol kumueleza kuwa wana mlundikano mkubwa wa visa na itawachukua muda kuweza kushughulikia tukio hili. Polisi wanakubaliana na Achol kwamba FHF iendelee na uchunguzi wa kiutendaji kwa sababu Mchungaji Charles ni mmoja wa Wadhamini wao.

Uchunguzi wa kiutendaji ni uchunguzi wa madai ya ukiukaji wa sera ya shirika. Polisi wanamshauri Achol juu ya nini kifanyike au kisichopaswa kufanywa katika uchunguzi huu ili kuepusha athari kwa uchunguzi wa polisi utakapofanyika. Polisi wanamwomba Achol kuwajulisha matokeo.

Achol anampa Kakiye maelezo ya mazungumzo yake na polisi. Kakiye anakubali kwamba waendelee na uchunguzi wa kiutendaji.



Achol anamkumbusha Kakiye kwamba mfadhili wa mpango huo pia ameomba kufahamishwa kuhusu matukio yoyote yatakayojitokeza katika mpango huo. Achol na Kakiye wanakubali kumpa mfadhili taarifa kuhusu tukio hilo na hatua ambayo FHF inapanga kuchukua, lakini maelezo ya kubainisha hayatashirikiwa.

Kumbuka: Kutoa taarifa kwa Wafadhili na Bodi za Udhibiti za Kitaifa

Wafadhili wengi na bodi za udhibiti za kitaifa sasa zinahitaji mashirika kuripoti matukio kuhusu kulinda usalama. Ni muhimu kujua ni nini wajibu wako wa kuripoti na unapaswa kuripoti kwa wakati unaofaa. Kumbuka kuweka usiri wa maelezo ambayo yanawatambulisha wahusika.

Utahitaji kuripoti kile kilichotokea na jinsi unavyoshughulikia suala hilo. Hii itatoa hakikisho kwamba unachukua hatua za kupunguza athari za mara moja za tukio na, inapowezekana, kulizuia lisitokee tena. Pia itamaanisha kuwa wafadhili wanaendelea kuwa na imani na hatua za kulinda usalama za shirika lako.

Mchakato wa Uchunguzi

Sehemu ya 2 - Mchakato wa Uchunguzi

Katika sehemu hii ya moduli, utafuata FHF na SHA wanaporatibu na kusaidia katika uchunguzi wa kiutendaji.


Kuchunguza tukio la kulinda usalama au malalamiko ni sehemu rasmi ya kushughulikia kisa na mchakato wa muitikio.

FHF, kama mshirika mkuu, ni lazima ihakikishe hatua muhimu za uchunguzi zinatekelezwa na kanuni za kulinda usalama, ikijumuisha usiri, zinatumika.

Ni muhimu kutumia mbinu inayomlenga mwathiriwa/mnusurika ambayo ina maana kuwa ihakikisha matakwa, usalama na ustawi wa mwathiriwa unabaki kuwa kipaumbele katika masuala na taratibu zote

Kwa maelezo zaidi kuhusu kulenga aliyenusurika, angalia [Kupokea na Kujibu ripoti ya unyonyaji, dhuluma au unyanyasaji wa kingono nchini Nigeria.](#)

Kwa maelezo zaidi kuhusu jinsi ya kusaidia manusura, angalia [Jinsi ya kumsaidia mnusurika wa ukatili wa kijinsia wakati hakuna shirika la kushughulikia ukatili wa kijinsia katika eneo lako.](#)



Kakiye na Achol wanaamua kuteua mpelelezi wa nje ili kufanya uchunguzi. Wanamteua Miriam ambaye ni mpelelezi aliyefuzu wa kulinda usalama wa watoto. Pia ana uzoefu na uelewa wa utamaduni na muktadha. Kimaadili, ni watu wawili wanapaswa kufanya uchunguzi, lakini imeonekana kuwa vigumu kupata watu wawili wenye ujuzi wa kiwango hiki kwa muda mfupi.

Kakiye na Achol wanapanga mkutano wa kupanga uchunguzi na Miriam.



Katika mkutano huo, Kakiye anaeleza kuhusu Mpango wa Chanjo ya Watoto wachanga kwa Miriam. Pia anatoa habari kuhusu SHA (mshirika wa FHF) na utathmini wa hivi majuzi wa hatari.


Achol anatoa muhtasari wa kisa: usuli, maelezo ya madai na ni nani amehusika hadi sasa. Pia anashiriki hatua zinazofuata baada ya mkutano wa kupanga tukio.

Miriam anaweka wazi kanuni za kulinda usalama zinazoongoza uchunguzi na kueleza hatua muhimu zinazopaswa kufuatwa.

Kanuni za Uchunguzi za Muungano wa CHS kwa ajili ya Kulinda usalama.


Usiri	Taarifa zinapatikana tu kwa misingi ya 'wanaohitaji kujua'. Mtu aliyeripoti tukio hilo, mwathiriwa, mashahidi na mshukiwa wana haki ya usiri isipokuwa katika hali fulani za kipekee.
Afy na Ustawi	Uchunguzi unapaswa kulenga mnusurika. Hii ina maana kwamba matakwa, usalama, na ustawi wa mwathiriwa hubakia kuwa kipaumbele. Wanapaswa kupelekwa ili kupata matibabu, usaidizi wa kisaikolojia na kijamii, ushauri nasaha n.k.
Usalama	Usalama wa wahusika wa pande zote ni jambo muhimu sana katika uchunguzi. Shirika linapaswa kufanya lolote liwezalo ili kuwalinda mashahidi.
Kisheria	Uchunguzi lazima uanzishwe, ufanywe na kuripotiwa kwa kuzingatia sheria zote. Ikiwa uhalifu unaonekana kutendeka, fikiria jinsi ya kuwajulisha mamlaka ya eneo hilo.
Utaalamu	Teua wachunguzi waliofuzu, wenyewe uwezo na wanaowajibika.
Ukamilifu	Uchunguzi ni lazima ufanyike kwa bidii, kamili na umakini ili kuhakikisha ushahidi unapatikana.
Uhuru	Uchunguzi ni lazima ufanyike kwa njia ya haki na usawa. Wachunguzi lazima wasiwe na ushawishi wowote ambao unaweza kuharibu uamuzi wao. Lazima kusiwe na mgongano wa kimaslahi.
Kupanga na kukagua	Uchunguzi ni lazima upangwe, uwe na utaratibu na ukamilike haraka iwezekanavyo. Ripoti za uchunguzi na ripoti lazima ziungwe mkono na rekodi na nyaraka.
Heshima.	Wachunguzi ni lazima waheshimu kila mtu anayehusika katika uchunguzi.
Chunguza madai yaliyoko wala sio mtu	Mada ya malalamiko lazima yashughulikiwe kwa heshima na wachunguzi lazima wasiwe wahukumu.
Muda	Uchunguzi lazima ufanyike kwa wakati unaofaa.
Ushirika	Fanya kazi na wahusika wote, ikijumuisha mamlaka ya kitaifa, kwa kuzingatia mifumo ya kisheria na ushirikiano wa mashirika.

Kwa maelezo zaidi, tazama [Miongozo ya Muungano wa CHS katika](#)



Hatua ya 1 ya Uchunguzi: Mpango

Miriam anaeleza kuwa hatua ya kwanza ya uchunguzi huu ni kupanga na kuhakikisha kuwa uratibu umewekwa ili kusaidia mchakato mzuri na unaofaa:



"Mahojiano yanapaswa kufanyika katika sehemu ya siri na isiyoegemea upande wowote. Inaweza kuwa haifai kufanya mahojiano kwenye ofisi. Pia tunahitaji nafasi salama kwa mahojiano na mamake Cleo – mahali ambapo anajisikia salama."


"Nitapanga ratiba ya mahojiano."





"Kuweka wazi michakato ya mawasiliano kati yangu na wengine wanaohusika katika mkutano wa kupanga matukio, na watu wengine muhimu inapobidi, kutatusaidia kuendeleza uchunguzi kwa wakati unaofaa."

"Ninakubali, na Miriam ikiwa unaweza kunijulisha ni nyenzo gani nyingine unahitaji kama vile usafiri n.k. tunaweza kupanga hilo."



"Ninahitaji kukagua maelezo yote ya kisa au ripoti ambazo unazo hadi sasa."

Kumbuka:

Ni muhimu sana katika hatua zote za uchunguzi kuchukua maelezo ya kina. Vidokezo sahihi vyta kisa ni muhimu ili kuheshimu taarifa iliyoshirikiwa na mwathiriwa/mnusurika na mashahidi.

Pia ni muhimu kuweka kumbukumbu sahihi za mawasiliano yote. Rekodi zinaweza kuombwa kama ushahidi ikiwa kisa kitafikishwa kwa watekelezaji wa sheria.

Hii husaidia kuhakikisha mbinu inayomlenga mwathiriwa/mnusurika.

Miriam ameridhika kwamba amekusanya taarifa muhimu anazohitaji ili kuendelea hadi hatua ya 2 ya mchakato wa uchunguzi.

Kakiye amekubali kwamba Achol, kama Mratibu wa Kulinda usalama, anapaswa kuungana na Miriam katika mipangilio pekee. Kama Mratibu, ni bora Achol abaki huru kutokana na uchunguzi wenyewe.

Hatua ya 2 ya Uchunguzi: Kukusanya Ushahidi

Miriam anasoma nyaraka zote muhimu na anaamua utaratibu wa mahojiano yake ili kupata taarifa nyingi iwezekanavyo.

Mahojiano

1. Precious
2. Mamake Cleo
3. Wafanyakazi muhimu waliohusika katika tukio hilo na mashahidi
4. Mchungaji Charles

Ushahidi wa Hati

- Ripoti ya tukio
- Ripoti ya Ziara ya eneo husika
- Utathmini wa hatari ya kabla ya hafla
- Nyaraka za orodha ya kabla ya hafla
- Orodha ya waliohuduria na taarifa zinazounga mkono
- Picha za hafla hiyo
- Taarifa zote zinazopatikana kuhusu Mchungaji Charles

Mahojiano ya Uchunguzi: Precious



Miriam anahakikisha kwamba Precious anahisi salama na anaweza kuzungumza naye..

Precious anatoa taarifa alizopata kutoka kwa mamake Cleo. Pia anasema labda hakuchukuliwa kwa uzito kwa sababu wakati mwингine watu hawamsikilizi kwa sababu yeye ni mwanamke na ana ulemavu.

Ana wasiwasi kuhusu Cleo na mama yake na athari za mchakato huu kwao. Miriam anasisitiza wajibu wa shirika wa kutunza na kumhakikishia Precious kuwa hatua zote muhimu zitachukuliwa ili kuhakikisha usalama wa Cleo na mama yake. Anasema pia kwamba ripoti zote za matukio ya kulinda usalama ni lazima yachukuliwe kwa uzito, bila kujali ni nani anayetoea ripoti hiyo.

À Kumbuka:

Precious ameripoti tukio hilo kwa FHF kwa sababu shirika lake la SHA halikufuatilia tukio hilo ipasavyo. Hii inajulikana kama 'kufichua uhalifu'. Anahitaji ulinzi dhidi ya kisasi chochote kinachoweza kutokea. Pia atahitaji uhakikisho na usikivu. Hatua zote zinazofaa zinapaswa kuchukuliwa ili kuhakikisha usalama na ulinzi wake ikijumuisha mawasiliano nyeti na ya uwazi.

Ni lazima mashirika yawe na Sera ya Kufichua Uhalifu na taratibu za kusaidia kila mtu anayezungumza na kuripoti kama sehemu ya majukumu yao ya kulinda usalama. Sera hii lazima iwawezesha watu kuripoti bila kujulikana na lazima ilinde mtu yeyote anayeripoti matatizo ya kweli dhidi ya kulipiziwa kisasi.

Ufafanuzi wa Mpiga kipenga

Hakuna ufanuzi wa kawaida wa kisheria wa kile kinacho jumuisha kufichua. Shirika la Kazi la Kimataifa (ILO) linafafanua kama:

"kuripoti kwa wafanyakazi au wafanyakazi wa zamani kuhusu mazoea haramu, yasiyo ya kawaida, hatari au yasiyo ya kimaadili ya waajiri."

Sifa kuu za kawaida za kufichua zinajumuisha:

1. Ufichuaji wa makosa yanayohusiana na mahali pa kazi;
2. Mwelekeo wa maslahi ya umma, kwa mfano, kuripoti makosa ya jinai, vitendo visivyofaa, n.k., badala ya malalamiko ya kibinagsi;
3. Kuripoti makosa kuitia njia maalum na/au kwa watu walioteuliwa; na
4. Ufichuzi hufanywa kwa "nia njema" na kwa "sababu zinazokubalika" kwa msingi wa imani kwamba habari iliyofichuliwa ni ya kweli..

Chanzo - [OCDE, 2011](#) Mpango wa Utekelezaji wa G20 wa Kupambana na Ufisadi. Ulinzi wa Wanaofichua uhalifu: Utafiti kuhusu Mifumo ya Ulinzi wa Wanaofichua uhalifu, Mkusanyiko wa Mbinu Bora na Kanuni Elekezi za Sheria.

Shughuli 2.3 Mbinu Inayomlenga Mnusurika

Miriam anajiandaa kumhoji mamake Cleo. Ingawa mamake Cleo sio mwathiriwa/mnusurika, yeye ni mama wa mwathiriwa/mnusurika na Miriam anahitaji kuzingatia ni nini anachopaswa kufanya ili kuhakikisha mbinu inayomlenga mnusurika imetumika.

Kwanza kabisa, Miriam anahitaji kuhakikisha kuwa mama huyo anakubali kuhojiwa kama sehemu ya mchakato huu. Mara baada ya kupata uthibitisho huu, Miriam anaweza kupanga ni nini atamuuliza mamake Cleo.

Unaweza kutambua eneo moja la mahojiano ambalo halilengi mnusurika?

Tanguliza usalama, faragha na ustawi wa Cleo.

Muulize Mama ni kwanini Cleo aliondoka kwenye hafla na Mchungaji Charles.

Dumisha usiri wa Cleo kadiri uwezavyo.

Mpe mamake Cleo nafasi ya kusimulia hadithi yake ukikumbuka kwamba hili linaweza kuwa jambo zito kwake.

[Ili kuona jibu, bonyeza hapa](#)

Mahojiano ya Uchunguzi: Mamake Cleo



Miriam anahakikisha kuwa mamake Cleo anajisikia salama kuendelea na mahojiano na anampa taarifa kuhusu mchakato huo. Ni mwangalifu kutumia ujuzi na uzoefu wake ili kuepuka kumtia kiwewe mamake Cleo anapomtaka ashiriki hadithi yake.

Mamake Cleo anaelezea kile Cleo amemwambia. Mama yake anasema kwamba Cleo alifanya mapenzi na

Mchungaji Charles, lakini hakutaka. Hakuweza kusema hapana.

Pia, mamake Cleo alithibitisha taarifa nyingine alizompa Precious.

Mahojiano ya Uchunguzi: Shahidi



Miriam anapanga kumhoji mwanahabari Naomi ambaye alisafiri na Mchungaji Charles. Miriam, Kakiye na Achol wamezingatia hatari zinazohusishwa na kufanya hivyo, na Miriam ameamua kuwa anaweza kuwa shahidi na kwa hiyo anapaswa kuhojiwa.

Naomi anahojiwa na Miriam na anasema kwamba aliona Mchungaji Charles alikuwa na urafiki sana na kila mtu kwenye hafla hiyo.



"Mchungaji alizungumza na watu wengi, lakini alikuwa na urafiki hasa na msichana mdogo. Nilimwona akitoka jioni ya kijamii na msichana ambaye ninafikiri alikuwa mchezaji densi".

Anatoa maelezo ya msichana aliyefanana na Cleo.

Mahojiano ya Uchunguzi: Mchungaji Charles



Hatimaye, Miriam anapanga kumhoji Mchungaji Charles. Miriam anazingatia kwa makini ni kiasi gani cha taarifa za kumfichulia Mchungaji Charles ili kumlinda Cleo. Pia yuko makini kufanya mahojiano haya bila chuki. Miriam anamwambia Mchungaji Charles kwamba kumekuwa na madai ya utovu wa maadili ya kingono na


kwamba inahusiana na hafla ile ya watu mashuhuri. Yeye hatoi habari zaidi.



"Nilifurahia hafla hiyo. Nilizungumza na watu wengi wakati wa jioni lakini sikufanya mambo yasiyofaa na mtu yeyote."

Hatua Inayofuata kwa Miriam

- Kutafakari kuhusu matokeo.
- Kuripoti matokeo ya awali kwa Achol na Kakiye ikijumuisha hatari inayohusiana na Mchungaji Charles.
- Kupendekeza Mkutano wa dharura wa Udhibiti wa Matukio.



Hatua ya 3 ya Uchunguzi: Kuchambua Matokeo na Kufanya Maamuzi

Achol anapanga mkutano wa udhibiti wa matukio. Kakiye anaandaa ajenda na kutambua washiriki wanaohitaji kujua.

Mkutano wa Matukio ya Kulinda usalama

Waliohudhuria:
Miriam: Mshiriki huru
Kakiye: Mkurugenzi Mtendaji (FHF)
Achol: Mratibu & Meneja wa Rasilimali Watu (FHF)

Ajenda

- Kukagua tukio na kushiriki matokeo.
- Kuchambua Ushahidi na kiwango cha uthibitisho.
- Kufikiria kile kinachohitajika kuanzishwa ili kuchukua hatua zozote zinazofuata.
- Utathmini wa hatari.
- Majukumu ya ulinzi.
- Mawazo yoyote kuhusu jukumu la Mchungaji Charles kama Mdhaminini.

Mkutano Unazingatia Kiwango cha Uthibitisho

Katika uchunguzi wa kulinda usalama, maamuzi hufanywa kwa uwiano wa uwezekano. Hiyo inamaana kuwa tukio lina uwezekano mkubwa wa kutokea kuliko kutotokea.

Katika uchunguzi wa jinai, viwango vya uthibitisho lazima viwe '**zaidi ya shaka ya kutosha**' na vithibitishwe na utekelezaji wa sheria na mfumo wa mahakama.



Uchambuzi wa matokeo

- Ufichuzi wa Cleo kwa mama yake.
- Maelezo kutoka kwa Precious, mama Cleo na Naomi ambaye ni mwandishi wa habari.
- Nyaraka zinazounga mkono.
- Mahusiano ya madaraka kwani Charles ni Mdhamsini wa FHF na kiongozi wa imani, na Cleo ni mtoto..

Kakiye anajiandaa kuongoza mkutano wa udhibiti wa matukio.

Miriam anakutana na Kakiye mapema ili kumjulisha na kushauri kwamba mkutano ni lazima:

- Ufuate utaratibu unaostahili ili kuhakikisha usikilizaji wa haki.
- Uzingatie ukweli sio hukumu.
- Ufahamu hatari na mazingira ya ndani.
- Uzingatie mahitaji yoyote ya ulinzi kwa mwathiriwa/mnusurika na mlalamikiwa.
- Uzingatie ushauri wa kisheria kuhusu hatua zinazofuata
- Uzingatie iwapo madai hayo yana nia mbaya.
- Uzingatie ikiwa mapitio ya kisa ni muhimu kwa mafunzo yanayopatikana...



Baada ya majadiliano kamili, m kutano unaamua kwamba:

- Ripoti ilithibitishwa kutokana na ushahidi wa kuunga mkono (kwa uwiano wa uwezekano), kutokana na ushuhuda wa mama Cleo na kile kilichoshuhudiwa na mwandishi wa habari Naomi.
- Ikiungwa mkono na FHF, SHA itafanya utathmini wa usalama wa Cleo na familia yake.
- Usaidizi wa kisaikolojia na kijamii utaendelea kwa Cleo.
- Usaidizi utapatikana kwa Precious.
- Polisi watawasiliana tena na kuonyeshwa matokeo ya uchunguzi wa FHF.
- Mchungaji Charles ataombwa kujuzulu kutoka kwa majukumu yake ya Mdhamsini katika FHF. Kakiye atawasiliana na Mwenyekiti wa Bodhi ya Wadhamini kuhusu hili.
- SHA itafahamishwa kuwa uchunguzi umefanyika kuhusiana na ripoti ambayo awali ilitolewa kwa Abu na Victor.
- Ukaguzi wa ndani wa kulinda usalama utafanyika haraka iwezekanavyo, ambao utajumuisha athari kwa ushirikiano kati ya FHF na SHA.
- Mfadhili wa IIP ataarifiwa kuhusu matokeo ya uchunguzi..

Shughuli 2.4 Hatua za Uchunguzi.

Chagua hatua sahihi ya uchunguzi inayolingana na taarifa kwenye visanduku vya kijani.

Hatua ya 1 ya Uchunguzi

Hatua ya 2 ya Uchunguzi

Hatua ya 3 ya Uchunguzi

Maamuzi ya uchunguzi wa kulinda usalama ni lazima yazingatie uchambuzi wa kina wa matokeo muhimu ili kuhakikisha kuwa maamuzi salama na ya haki yanafanywa. Kuwa na malengo ni jambo muhimu.

Kusanya ushahidi ikijumuisha kusoma ripoti husika na maelezo ya kisa na kufanya mahojiano yaliyopangwa. Upatikanaji wa habari na watu muhimu ni jambo muhimu

Uchunguzi wa kulinda usalama ni lazima uandaliwe kwa uangalifu. Washikadau wakuu wanapaswa kujulishwa na kuendelea kufahamishwa kuhusu mabadiliko na maendeleo kadri uchunguzi unavyoendelea. Mipango na mawasiliano mazuri ni ya muhimu.

Ili kuona jibu, bonyeza hapa

Mapitio ya Ndani ya Kulinda usalama na Mafunzo Yanayopatikana

Sehemu ya 3 - Mapitio ya Ndani ya Kulinda usalama na Mafunzo Yanayopatikana

Katika sehemu hii ya moduli, utafuata Family Health Frontiers na Sure Health Africa wanapotafakari na kujifunza kuhusu mazoezi ya kulinda usalama na matukio yaliyosababisha tukio.

Kufanya mapitio ya ndani ya kulinda usalama ni zoezi linalopendekezwa wakati tukio muhimu limetokea.

FHF, kama mshirika mkuu, inazingatia taratibu na desturi zao za kulinda usalama. Kwa kufanya hivi, wanajifunza mambo muhimu kuhusu njia ambazo shirika linafanya kazi na jinsi wanavyoweza kuboresha mazoezi ya kulinda usalama na usimamizi wa udhibiti.

Uzinduzi wa Mapitio ya ndani ya Kulinda usalama

Muda mfupi baada ya mkutano wa udhibiti wa tukio, Kakiye anakutana na Miriam ili kujadili mapitio ya ndani ya kulinda usalama. Ana hamu ya kupata fursa ya kutafakari yaliyotokea na kujifunza kuhusu jinsi FHF na SHA zinaweza kuboresha mazoezi yao ya kulinda usalama.



Miriam anashiriki ripoti fupi ambayo ameandika kuhusu athari za udhibiti. Hii ina maoni muhimu kuhusu hatari kuu za kulinda usalama ambazo zimetambuliwa kuitia mchakato wa uchunguzi na kuitia hati. Kakiye anaamua kushiriki hatari hizi na timu yake katika mkutano wa ndani wa mapitio ya kulinda usalama.

Mkutano wa Ndani wa Mapitio ya Kulinda usalama.

Kakiye anaanza mkutano kwa kusisitiza kwamba ana nia ya kuwa na majadiliano ya wazi na ya ukweli kuhusu mazoezi ya kulinda usalama katika FHF na ndani ya ushirikiano na SHA. Anasema kwamba kila mtu ana jukumu muhimu la kulinda usalama. Kakiye anaeleza kuwa mapitio haya yatawapa wale wanaohusika fursa muhimu ya kujifunza na kuboresha mazoezi. Anasisitiza kuwa lengo la mapitio ni kuangalia kwa uwazi na kwa umakini mazoezi ya mtu binafsi na ya shirika.

Kakiye na Achol wamewajulisha Victor na Abu kwamba FHF ilichunguza ripoti ambayo awali ilitolewa kwao. Ingawa FHF haiwezi kufichua maelezo, Kakiye anawaomba Victor na Abu wajiunge na mkutano wa ndani wa mapitio ya kulinda usalama ili wajumuike katika kupata mafunzo ya programu na ushirikiano wao.

Waliohudhuria

- Kakiye Mkurugenzi Mtendaji (FHF)
- Achol: Meneja wa Rasilimali Watu & Mratibu (FHF)
- Okello : Meneja wa Programu (FHF)
- Abu: Mkuu wa Ofisi (SHA)
- Victor: Meneja wa Rasilimali Watu/Mratibu (SHA)
- Nyamer: Afisa wa Programu (FHF) anayehudhuria kwa vipengele vyta programu pekee




Maswali ya Kuongoza


- Ni mafunzo gani tunapata kutokana na tukio hili kuhusu jinsi shirika linavyofanya kazi na jinsi kulinda usalama kunasimamiwa katika programu?
- Je, mifumo ya kulinda usalama na taratibu zilikuwa wazi? Je, zilijulikana na kueleweka? Je, zilifuatwa?
- Je, maamuzi yalifanywa, au hatua zilichukuliwa, zinazoonyesha kuwa uongozi au usimamizi unaweza kuboreshwa?
- Je, kuna athari kwa njia za kufanya kazi, mafunzo, udhibiti na usimamizi?
- Je, kuna ujumbe wowote maalum kuhusu usimamizi na uangalizi?

Kumbuka:

Mahitaji ya shirika yanaweza kuweka shinikizo kwa utendaji na tabia ya wafanyakazi. Wakati kuna mahitaji mengi na shinikizo kwa wafanyakazi kufanya kazi, uwezekano wa hatari za kulinda usalama kusababisha madhara halisi huongezeka kwa kiasi kikubwa.




Wakati wa mkutano, Kakiye anashiriki hatari kuu za kulinda usalama katika jedwali iliyoko hapa chini kutoka kwa ripoti ya athari za usimamizi ya Miriam. Anasema kuwa imekuwa wazi kuwa michakato muhimu ya kulinda usalama haikuwapo na hilo liliathiri kulinda usalama katika SHA. Hii inaonekana



kuhusishwa zaidi na uamuzi potovu na mbaya unaofanywa na wasimamizi wakuu katika SHA na FHF. Wasiwasi uliotolewa na wafanyakazi wa chini ulikuwa pia umedunishwa au kupuuzwa.

Utathmini wa Hatari ya Mradi	Haukufanywa na FHF mwanzoni mwa Mpango wa Chanjo ya Watoto wachanga ili kuhakikisha kuwa hatari zote zimetambuliwa na kushughulikiwa ipasavyo.
Uchunguzi na Uangalizi	Unaofanywa na wasimamizi wakuu wa FHF kama mshirika mkuu wa utekelezaji haukutosha.
Uchunguzi wa kina	Haukutekelezwa kwa washirika ikijumuisha SHA. Inaonekana kumekuwepo na utegemezi wa kupita kiasi kwa FHF kukamilisha utathmini wa uchunguzi wa kina kwa wafadhili.
Utathmini wa Binafsi	Ili kusaidia kutambua mapungufu katika kulinda usalama na kufahamisha maendeleo ya mpango wa utekelezaji wa kulinda usalama haukukamilishwa na SHA.
Mpango wa Utekelezaji wa Kulinda usalama	Ili kusaidia kufuatilia maendeleo na kudumisha uwajibikaji haukuwepo katika SHA.
Orodha ya tiki ya Kabla ya hafla	Haikukamilishwa kikamilifu na SHA katika maandalizi ya hafla ile ya watu mashuhuri.
Uajiri Salama zaidi	Hatua hazikuwekwa kikamilifu katika SHA au FHF, ikijumuisha kushindwa kumtaka Mchungaji Charles kujaza fomu ya kujitangaza.
Mafunzo na Usimamizi	Haukuwa wa kutosha kwa ajili ya kulinda usalama katika maeneo muhimu, na kusababisha kulinda usalama kutopewa kipaumbele na SHA.

Katika mkutano wa ndani wa mapitio ya kulinda usalama, FHF na SHA lazima zizingatie uhusiano wowote kati ya utendaji mbaya na hali zilizoripotiwa. Kakiye pia anataka mkutano kuchunguza sababu zinazowezekana za utendaji mbaya uliotambuliwa.



Usimamizi mbaya: Okello ni mwenye tamaa na anataka kumpendeza Kakiye ambaye ni Mkurugenzi Mtendaji mpya. Alitoa hakikisho la uwongo katika timu ya uongozi kuhusu SHA. Alikataa na hakuwasikiliza Nyamer na Achol waliposhiriki habari muhimu. Abu alishindwa kumsikiliza Precious aliporipoti tukio hilo la kulinda usalama.

Tamaa na Uongozi: Kakiye ana matarajio makubwa kama Mkurugenzi Mtendaji mpya. Anataka kujulikana kitaifa kwa kuongoza operesheni madhubuti. Alikuwa na matumaini kwamba Mchungaji Charles angechangia mradi huo na kuleta utangazaji mzuri wa shirika. Pia alimwamini kama mshiriki wa kanisa lake na Mdhaminini mpya.

Mahusiano ya Wafanyakazi: Okello alivutiwa zaidi na urafiki wake na Abu na fursa ya kijamii huko SHA. Hakutumia uhusiano wake na Abu kukuza mazoea ya kulinda usalama. Hii ilikuwa ni fursa aliyokosa. Victor hakutaka kwenda kinyume na hukumu ya Abu kwamba kisa hicho hakikuwa na msingi.

Kukosa motisha: Nyamer na Achol waliacha kuwasilisha maombi kuhusu kulinda usalama kwa hafla hiyo ya watu mashuhuri kwani walikuwa wamefikisha wasiwasi wao na Okello au Abu hawakufurahishwa na hilo. Waliamua kutomfikishia Kakiye habari, kwani hawakutaka kumpita Okello. Licha ya uwezekano wa kukosa motisha kwa sababu hasikilizwi kila mara, Precious aliendelea na kuripoti tukio hilo kwa FHF.



Mazingatio kwa FHF Kufuatia Mapitio ya Ndani ya Kulinda usalama.

Kakiye anatambua kuwa uangalizi wake mbovu na kutozingatia maswala yake kuhusu Okello na SHA vilikuwa sababu kubwa iliyochangia jinsi mambo yalivyoaribika. Ili kuboresha mazoezi katika FHF, anajitolea kuchukua hatua zifuatazo:

- Kufanya kazi na timu ya uongozi na Bodi ya Wadhamini ili kukuza uwezo wao kuhusu kulinda usalama.
- Kuwakumbusha wafanyakazi na washirika wote wajibu wao wa kufichua uhalifu na kuwalinda waathiriwa wa dhuluma.
- Kukumbusha kila mtu kwamba shirika litasikiliza matatizo yao yaliyopotiwa.
- Kufanya uchunguzi wa kina wa kulinda usalama unaostahili kwa washirika wote wapya na kuhakikisha uzingatiaji wa kutosha, ufuatiliaji na usaidizi wa washirika wa sasa.
- Kuboresha michakato ya kuajiri wafanyakazi na wadhamini ili ukaguzi wa usuli na fomu za kujitangaza zikuwepo.
- Kazi zote za kulinda usalama zitakaguliwa na kufuatiliwa kikamilifu na timu ya uongozi na kuunganishwa katika mpango wa Ufuatiliaji, Tathmini na Kujifunza (MEL) kwa uchunguzi na uangalizi wa kutosha.
- Kufikiria kuhusu mpango wa usimamizi wa utendaji kwa Okello ili kuzingatia hasa tabia yake ya mahali pa kazi na mtindo wa usimamizi.
- Kupanga siku ya kujenga timu iliyowezeshwa na mtaalamu wa nje ili kuwahamasisha na kuboresha ari ya wafanyakazi.




Mazingatio kwa SHA Kufuatia Mapitio ya Ndani ya Kulinda usalama


- Kufanya utathmini binafsi ili kubaini mapungufu na kuandaa mpango wa utekelezaji ili kuboresha utendaji.
- Kufanya utathmini wa hatari ya kulinda usalama kwa Mpango wa Chanjo ya Watoto wachanga ili kubaini ambapo hatari zote zinazoweza kutokea zimetambuliwa na kuzipunguza.
- Kukagua makubaliano ya ushirikiano na FHF na mpango wa programu wa Mpango wa Chanjo ya Watoto Wachanga ili kubaini kama hatua za kulinda usalama zimeakisiwa vya kutosha.
- Kuwafunza wafanyakazi wote kuhusu kulinda usalama, wajibu wao wa kuripoti matatizo na jinsi ya kupokea ufichuzi.

Nguvu ya Mazoezi Mema ya Kulinda

Mbinu thabiti ya kulinda usalama wa mwathiriwa/mnusurika huwaweka watoto na walengwa wote kituoni na kuhakikisha ulinzi wao.



Tafakari kutoka kwa Mapitio ya Ndani ya Kulinda usalama



Muhtasari

Umejifunza nini?

- Umuhimu wa kupanga jinsi ya kudhibiti tukio la kulinda usalama.
 - Umuhimu wa kukusanya taarifa za awali na kutathmini hatua zinazofuata.
 - Hatua muhimu za mchakato wa uchunguzi na mbinu inayozingatia mwathiriwa/mnusurika.
 - Thamani ya mapitio ya ndani ya kulinda usalama ili kupata mafunzo na kujitolea katika kuboresha kila wakati.
-

Mambo ya kuzingatia ili kukusaidia kujiandaa kwa ajili ya moduli inayofuata.

Kufuatia Mapitio ya Ndani ya Kulinda usalama, Kakiye anakutana na Wani na Mimi kutoka timu ya Ufutiliaji, Tathmini na Kujifunza (MEL) ili kuhakikisha michakato ya MEL inaanishi mafunzo muhimu ya kulinda usalama.

- Je, unafikiri mafunzo yatakayopatikana kutohana na mapitio ya ndani ya kisa yataonyeshwaje katika michakato ya MEL?
- Unadhani ni mabadiliko gani yatafanyika katika SHA ili kuboresha kuwajibika wa washirika kwa taratibu za kulinda usalama za FHF?
- Je, unafikiri mabadiliko haya yanaweza kufuatiliwa kwa njia bora zaidi?



Hongera kwa kukamilisha Moduli ya 4 ya Mambo Kuhusu Kulinda usalama: Kutatua Malalamiko

Hongera kwa kukamilisha Moduli ya 4 ya Mambo Kuhusu Kulinda usalama:
Kutatua Malalamiko

Ni matumaini yetu kuwa umefurahia kuandamana na FHF katika
mwanzo wa safari yao ya kulinda usalama.

Tunatazamia ujiunge na Moduli ya 5. Hii ni sehemu ya mwisho na kufuatia
mwitikio wa tukio la kulinda usalama katika moduli hii, Family Health Frontiers
wanataka kulinda usalama kuhusishwe katika shughuli zote za ufuatiliaji,
tathmini na kujifunza (MEL) za programu.

Unaweza kufikia jarida la RSH, kulinda usalama
rasilimali, mifumo ya mtandao, podikasti, na mengine
mengi katika [Kituo cha Rasilimali na Usaidizi](#).

Kisha, kamilisha utathmini wako ya Moduli ya 4 ili kupata
cheti chako cha kibinafsi cha mafanikio cha RSH.



Jedwali la Majibu

Shughuli ya 1.1 Usiri

Usiri una maana ya **kuweka habari kwa faragha** ... kuheshimu watu wanaohusika na kuepuka madhara yanayoweza kutokea.

Kushughulikia habari za siri vizuri pia hulinda **sifa ya shirika**

Habari za siri zinajumuisha suala lolote nyeti au lile linaloweza **kutumika kumtambulisha mtu** kwa mfano jina, eneo maalum na maelezo ya tukio.

Usiri ni lazima utumike kwa: mwathiriwa/mnusurika, familia na jamii yake; mashahidi na **mshukiwa anayedaiwa**.

[**Bonyeza hapa ili kurejea kwenye Shughuli ya 1.1**](#)

Shughuli ya 1.2 Agenda ya Mkutano wa Kupango Matukio

Weka asili na kiwango cha wasiwasi kwa kushiriki na kutathmini taarifa zinazojulikana. Hii itasaidia kuelewa ni nani aliye hatarini na ikiwa kosa la jinai linawezakuwa limefanyika.

Amua hatua ya haraka ambayo ni muhimu ili kulinda usalama na ustawi wa wale wanaohusika. Hii itajumuisha maamuzi ya mapema kuhusu kusimamishwa kazi na usaidizi wa kimatibabu ikiwa utahitajika.

Fanya utathmini wa hatari kwa mwathirika/mnusurika, mshukiwa na shirika ili kubainisha hatari zinazojulikana na kuweka hatua za kupunguza hatari kuanzia hatua ya awali iwezekanavyo.

Utambulisho wa shahidi ili kusaidia kupanga mahojiano kwa ajili ya uchunguzi, ikiwa shirika litakuwa likifanya uchunguzi, na kuhakikisha kuwa mipango ya usaidizi imewekwa.

Mambo ya kuzingatia katika **kushiriki habari** ili kuhakikisha kwamba watu na mashirika 'yanayohitaji kujua' yanafahamishwa. Hii inajumuisha kuripoti matukio makubwa kwa wafadhili na bodi za udhibiti.

Ushughulikiaji wa vyombo vyahabari ili kutathmini uwezekano wowote wa uvujaji kuhusu tukio na kuhakikisha maendeleo ya mistari tendaji ya vyombo vyahabari.

Kukubali hatua zinazofuata zinazohitaji kuchukuliwa. Maamuzi yote yanapaswa kuratibiwa na watu waliokubaliwa kuwajibika na muda utakaotengewa kila hatua.

Bonyeza hapa ili kurejea kwenye Shughuli ya 1.2

Shughuli ya 2.3 Mbinu Inayomlenga Mnusurika

- ✓ Muulize Mama ni kwa nini Cleo aliondoka kwenye hafla pamoja na Mchungaji Charles.

Bonyeza hapa ili kurejea kwenye Shughuli ya 2.3

Shughuli 2.4 Hatua za Uchunguzi

- ✓ Hatua ya 3 ya uchunguzi
- ✓ Hatua ya 2 ya uchunguzi
- ✓ Hatua ya 1 ya uchunguzi

Bonyeza hapa ili kurejea kwenye Shughuli ya 2.4
